

MGA HALAD SA PASALAMAT



Leksyon 9 alang sa Marso 3, 2018

Kita mga tinugyanan sa Dios, nan kita kinahanglan mosundog sa atong Ginoo. Siya nagahatag nga madagayaon kanato sa tanang butang nga atong gikinahanglan.

Kita nagapakita sa atong pasalamat pinaagi sa paghatag Kaniya sa atong mga halad sama sa atong mga bahandi, panahon ug mga talento nga madagayaon.



- ➔ **Mapasinalamaton nga mga piniyalan.**
 - * Pagpahimutang alang sa eternidad.
 - * Pag-apod-apod sa grasya.
- ➔ **Mga halad sa pasalamat.**
 - * Dekalidad nga mga halad.
 - * Atong motibo sa paghatag.
 - * Ang kalipay sa paghatag.

PAGPAHIMUTANG ALANG SA ETERNIDAD

“Hinonoa pagtigum kamog mga bahandi alang kaninyo didto sa langit diin walay tangkob ni taya nga magakutkot ug diin walay mga kawatan nga magapanakasaka ug magapangawat” (Mateo 6:20)



Unsaon nato sa pagtigum og bahandi sa langit?

“Kay kita nagakinabuhi man pinaagi sa pagtoo, dili pinaagi sa atong makita.” (2 Corinto 5:7 NIV). Ang atong mga hunahuna ug motibo kinahanglan magsukad sa mga dayong butang.

Gikinahanglan ang pag-atiman sa mga yutan-ong butang ug sa pagpaabot sa mga umalabot nga panghitabo (pagpangitag bag-ong trabaho, pagretiro...), apan kinahanglan dili kini maoy punoang kalab-uton sa atong mga kinabuhi.


Kinahanglan kita magkinabuhi pinasikad sa atong pagtoo. Kinahanglan kita magsalig sa Dios ug dili sa yutan-ong mga butang.

PAG-APOD-APOD SA GRASYA

"Sumala sa hiyas nga nadawat sa matag-usa, gamita ninyo kini alang sa usag usa ingon nga mga maayong piniyalan sa nagkalainlaing grasya sa Dios." (1 Pedro 4:10)

Ang grasya ni Jesu Cristo maoy kinanindotang gasa nga gihatag sa Dios kanato, "Kay tungod sa grasya kamo nangaluwas pinaagi sa pagtoo; ug kini dili sa inyong kaugalingong kahimoan, kini hatag sa Dios." (Efeso 2:8).

Ang grasya sa Dios dili alang sa atong kaugalingong kalipayan lamang. Kita gipangtawag sa pagpahat niini ngadto sa uban, "Nakadawat kamo nga walay bayad, busa panghatag kamo nga walay bayad." (Mateo 10:8).



Paghatag sa atong mga bahandi, mga talento ug panahon maoy galamiton sa pagpakuyanap sa balita sa kaluwasan.



DEKALIDAD NGA MGA HALAD

"Gikan sa tagsatagsa ninyo ka hatag magahalad kamo ug tagsatagsa ka halad-nga-binayaw kang Jehova; gikan sa tanan nga labing maayo niini igahalad ninyo bisan ang bahin niini nga binalaan." (Numeros 18:29 NIV)



Kita nagapakita sa atong pasalamat sa Dios pinaagi sa paghalad Kaniya sa kinimaayohan sa mga gasa nga Iyang gihatag.


Sa karaang probinsyanong sosyodad sa Israel, sila sagad naghalad sa kinamaayohan sa ilang mga abot sa yuta o gikan sa ilang mga mananap, kanunay "walay ikasaway." (Levitico 22:20).

Ang kwarta kanunay adunay susama nga balor, nan unsaon nato sa pag-aplikar ang konsepto sa paghatag "sa kinamaayohan" karon?

Kinahanglan dili nato usikan ang mga salin (Lucas 21:4). Kita usab makahatag, pananglit, sa atong panahon ug atong kahanas...


Tingali ikaw makahatag og pinasahi nga pahumot sa pagdihog sa atong Ginoo! (Lucas 7:37-47).





““Ang kasingkasing ni Maria napuno sa pasalamat. Nakadungog siya kang Jesus nga nagsulti sa Iyang tiabotay nga kamatayon, ug diha sa iyang halalum nga gugma ug kaguol siya naghandum sa pagpakita Kaniyag dungog. Sa dakung personal nga sakripisyo iyang gipalit ang alabastro sa “pahumot, nga mahalon,” nga igadihog sa Iyang lawas. Apan karon daghan ang nagadeklara nga Siya pagakoronohan nga hari. Ang iyang kasubo nahimong kalipay, ug siya mahinamon nga mamahimong una sa pagpasidungog sa iyang Ginoo. Ang pagbuak sa iyang sudlanan sa pahumot, iyang gibobo ang sulod niini ibabaw sa ulo ug mga tiil ni Jesus; unya, sa pagluhod niya nga nagabakho, nagabasa niini sa iyang mga luha, gipahiran niya ang Iyang mga tiil sa iyang hataas, ug hapsay nga buho...”





... Si Maria nakadungog sa mga pulong sa pagtamay. Ang iyang kasingkasing nagkurog sa sulod niya. Siya nahadlok nga ang iyang igsuong babaye mangasaba kaniya sa pag-usik-usik... Siya [si Jesus] nakakita nga siya naulaw ug nabalaka. Nahibalo Siya nga niini nga buhat sa pag-alagad si Maria nakapadayag sa iyang pasalamat alang sa kapasayloan sa iyang kasalanan, ug Siya naghupay sa iyang hunahuna.”



ATONG MOTIBO SA PAGHATAG

"Kay kon anaa ang pagkamatinguhaon, kini pagakahimutan sa pagdawat sumala sa unsay anaa sa tawo, dili sumala sa unsay wala kaniya." (2 Corinto 8:12 NIV)

Ang Dios lamang ang nahibalo sa atong motibo inig hatag nato sa atong mga halad bisan unsa kini ka gamay o kadaku. Walay bisan usa nga makahukom sa atong motibo (Santiago 4:12).

Adunay daghang nagkalainlaing mga motibo sa paghatag, gikan sa pagkahakog ngadto sa pagkamanggihatagon.

Mahimong makabuhat kita sa hustong binuhatan alang sa sayop nga mga rason (pananglit, pagpahalipay, pagpakig-uban sa usa ka tawo...).

Ang walay paghunahuna nga pagkamahinatagon gipalihok sa gugma. Kana nga gugma mao ang tubag sa gugma sa Dios sa atong kinabuhi.



Pagkahakog
Pagkamanggihatagon



ANG KALIPAY SA PAGHATAG

“Ang matag-usa magahatag sumala sa pagbuot sa iyang kasingkasing, dili nga magapanuko ni ingon nga pinugos, kay ang Dios nagahigugma sa malipayong maghahatag.” (2 Corinto 9:7)

Sa dihang nasinati na nato ang gugma sa Dios, nasabtan nato nga Siya kanunayng nagaatiman kanato. Dili siya mangayo og bisan unsa gikan kanato nga makadaut kanato.

Kana naglakip sa Iyang hangyo nga magmanggihatagon.

Ang paghalad usa ka buhat sa pagtoo. Kini usa ka pagpahayag sa atong pasalamat alang sa tanan nga gihatag ni Jesus kanato.

Atong gipakita ang kinaiya sa Dios pinaagi sa paghatag. Ang atong pagsalig diha Kaniya usab nagtubo samtang kita mohatag nga walay bayad, madagayaon ug malipayon.

Atong masinati ang kalipay sa paghatag sa Dios sa una ug sa labing maayo sa atong salapi, panahon ug mga kahanas.





**““God will have freewill offerings. Those who give must esteem it a privilege to do so.
“Ang Dios modawat og kinabubut-ong mga halad. Kadtong nanaghatag kinahanglan magtuo niini nga usa ka priobilihiyo sa pagbuhat sa ingon.**

Pipila nagahatag sa ilang kadagaya, apan wala sila mibati sa kakulangon. Wala sila magdumili sa ilang kaugalingon sa bisan unsang butang alang sa kawsa ni Cristo. Sila sa gihapon adunay tibuok nga kasingkasing sa paghandum. Sila nanaghatag nga gawason ug kinasingkasing. Ang Dios nagadawat niini, ug ang binuhatan ug motibo mailhan ug sa tino gitiman-an Niya. Dili makawang nila ang ilang gante...





... Kamo nga dili makapakita sa ingon nga gawasnon kinahanglan dili mangulipas sa inyong mga kaugalingon tungod kay kamo dili makabuhat sa ingon sama sa uban. Himoa ang inyong maarangan. Dumulii ang inyong mga kaugalingon sa pipilang butang nga imong arangan nga mabiyaan, ug ang sakripisyo alang sa kawsa sa Dios. Sama sa balo, ihulog ang duha nimo nga sentabos. Ikaw sa tinuod makahatag og labi pa kay sa tanan niadtong nanaghatag sa ilang kadagaya; ug mahibalo ka unsa ka tam-is kini ang pagdumili sa kaugalingon, sa paghatag sa mga nanginahanglan, sa pagsakripisyo alang sa kamatuoran, ug sa pagtigum og bahandi sa langit.”

